



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

16786

323.1/471

4-37

ԿԱՐԼ ԿԱՌԻՅԿԻ

ԱԶԳՈՒԹԻՒՆՆԵՐԻ ՀԱՐՑԸ

ՌՈՒՍԱՍՏԱՆՈՒՄ

Թարգմ. գերմ. Գ. Խաժակ.

Թարգմանչի ծանօթ.

6-րդ հազար

1906

ԹԻՖԼԻՍ

3231(47)

Կ-37

4 FEB 2014

2231 (47)

4-37

26 SEP 2006

15 JAN 2010

ԱԶԳՈՒԹԻՒՆՆԵՐԻ ՀԱՐՅԸ ՌՈՒՍԱՍՏԱՆՈՒՄ

I

Իմ հայ բարեկամները խնդրեցին ինձ մի քանի խօսք առաջաբան գրել էրֆուրաի պրօգրամի մասին ունեցած իմ գրքի հայերէն թարգմանութեան համար՝ ազգային հարցի մասին, որ հայ սօցիալիստների համար յատկապէս այժմ առանձնապէս մեծ նշանակութիւն ունի:

Բնականաբար անկարելի է սպասել ազգային հարցը մի քանի երես տեղ բռնող մի ուսումնասիրութեան մէջ: Ազգը խօսմ բնութիւնից տրւած մի համայնք չէ, ինչպէս ընդունում են այդ Րասսային թէօրիա դաւանողները, այլ մի ընկերական կամ հասարակական ստեղծւածք կամ մարմին, որը կազմուում է զանազան ժամանակներում, զանազան պայմանների ազդեցութեան տակ, որը խիստ բազմազան ձևեր է ընդունում և մշտապէս գտնւում է պատմական հոսանքի կամ փոփոխման մէջ: Նոյն իսկ այժմեան կուլտուրական ժողովրդների մէջ ազգութեան զաղափարը համաձայն ամեն մի ազգի պատմական զարգացման, շատ տարբեր է, և մեր ամեն մի միջազգային կօնգրէսը լաւ տեղեակ է այն դժուարութիւններին, որոնք առաջանում են այդ զաղափարից: Ֆրանսիական, Իրլանդական, Աւստրալական, հրէական, հայկական ազգութիւնները բոլորովին տարբեր նշանակութիւններ ունեն՝ ամեն մէկն առանձին-առանձին վերցրած:

Սակայն՝ որքան էլ որ տարբեր լինեն ազգութիւնների պատմական ծագումն ու բաղդը, կրկին մի ընդհանուր նշան ունի նրանցից ամեն մէկը—դա լեզուի բնօրինակն է: Միևնոյն լեզուով խօսող բոլոր ժողովրդները ամեն ժամանակ անպատճառ մի ազգ չեն կազմում, սակայն միևնոյն ազգի բոլոր անդամները միշտ խօսում են, միևնոյն լեզուով: Լեզուն, ուրեմն, ամենաէական հասարակական կապող տարրն է, առանց լեզուի ընդհանրութեան անհնարին է որևէ հասարակական հանրակեցութեան գոյութիւնը:

2231 - 74



Սակայն լեզուական համայնքը կամ ընդհանրութիւնը անհրաժեշտաբար միշտ չէ համապատասխանում պետական համայնքին կամ ընդհանրութեանը: Դրանից ծագում են հակասութիւններ, որոնք և կազմում են նորագոյն ազգայնական հարցերը:

Կապիտալիստական արդիւնագործութեան եղանակի ծընւելուց առաջ մի պետութիւն կարող էր, առանց որևէ դժուարութեան բազմազան ազգեր պարունակել իր մէջ: Մի այդպիսի պետութիւն, օրինակ մի միջնադարեան կամ մի արևելեան պետութիւն, կազմում էր մի հաւաքածու բազմազան համայնքների, շրջանների և հողային համայնքների, որոնք իրար հետ ամենաչնչին յարաբերութիւններ ունէին, իրանք էին կարգադրում իրանց ներքին յարաբերութիւնները, ամեն մէկն առանձին յարաբերութիւն էր պահպանում կենտրոնական իշխանութեան հետ, մի յարաբերութիւն, որը վերաբերում էր (drehen) միմիայն վճարելիք հարկի քանակութեանը, հարկի, որը կենտրոնական իշխանութիւնը ինչ ուզէր կանէր: Այդ համայնքներից կամ ընկերութիւններից ամեն մէկը կարող էր մի-մի ուրիշ ազգութեան պատկանել, իսկ կենտրոնական իշխանութիւնն էլ մի տարբեր ազգութեան—դա մի նշանակութիւն չունէր: Այդ պատճառով էլ այդպիսի պետութիւնների ներքին կապը շատ չնչին էր: Մի երջանիկ աշխարհալ մի օրում կարող էր կազմել մի համաշխարային կայսրութիւն, մի անյաջող ճակատամարտ կարող էր մի այդպիսի պետութիւն հազարաւոր մասերի բաժանել:

Կապիտալիստական արդիւնագործութիւնը և առևտրի զարգացումը սկսում են առաջացնել մի կենդանի յարաբերութիւն մի պետութեան դանազան համայնքների և գիւղերի և նրա առևտրական ու արդիւնագործական կենտրոնների միջև. նա ոչնչացրեց գաւառների ու վայրերի առանձնութիւնը կամ մէկուսացած վիճակը, ստեղծեց նրանց մէջ ամինասերտ հաղորդակցութիւն և առաջացրեց հետաքրքրութիւն դէպի պետութեան վարչութիւնը նախևառաջ կապիտալիստական արդիւնագործութեան ամենից մօտ կանգնած դասակարգերում—կապիտալիստների, ինտէլիգենցիայի, ինդուստրիական պրօլէտարիատի, մեծ քաղաքների մանր բուրժուաների մէջ, յետոյ կամաց-կամաց նաև փոքր քաղաքների մանր բուրժուական ազգաբնակչութեան և գիւղացիութեան մէջ: Այդպիսով ներքին,

դէմօկրատիական դասակարգերում տարածում է դէմօկրատիական ձգտումը պետութեան վրայ ևս, այն. ինչ առաջ միայն նա տարածում էր գիւղի և համայնքի վրայ: Ծնունդ է առնում պետութիւնը դէմօկրատիաբար վերակազմելու ձգտումը: Սակայն միևնոյն ժամանակ ազգային տարբերութիւնները աւելի և աւելի են ընդհարմառ մտնում պետական միութեան ձգտման հետ: Ամենակենսունակ են զգում և ամենից ուժեղ համարում իրանց այն պետութիւնները, որոնց մէջ մի լեզուով են խօսում բոլորը: Բազմալեզու պետութեան մէջ ծնունդ է առնում ազգութիւնների կռիւ իրար մէջ: Որովհետև նորագոյն պետական միութիւնը ամեն բանում ձգտում է ցոյց տալիս, որ կապակցութեան ամենաէական միջոցը լեզուն՝ իր պետութեան ներսում մէկ լինի, դրա համար պետական վարչութիւնը, դատաւարութիւնը, կրթութիւնը աշխատում են կատարել միևնոյն լեզուով: Այն ազգութիւնը, որի լեզուն դրանով առաջ է քաշւում, ձեռք է բերում քաղաքական և տնտեսական նշանաւոր առաւելութիւններ միւս ազգութիւններից: Բնականաբար դա առաջ է բերում ամենակատաղի դիմադրութիւն միւս ջոկած ազգութիւնների կողմից:

Ինչ չափով որ զարգանում է արդիւնաբերութեան կապիտալիստական եղանակը, ինչ չափով որ զօրեղանում է ժամանակակից միացեալ պետութիւն կազմելու ձգտումը, այն չափով էլ այդպիսի պետութեան խորքերում աճում են ոչ միայն պետական դէմօկրատիական ձգտումները, այլ, եթէ պետութեան բնակիչները մի քանի ազգութիւնների են պատկանում, նաև ազգային կռիւները: Այդ երկու ձգտումները ևս նոյն մօր գաւազներն են և բնական անհրաժեշտութեամբ կապւած են ժամանակակից շարժումներին հետ:

Միւս կողմից հաղորդակցութեան զարգացումը աւելի դիւրացնում է գաղափարական յարաբերութիւնը միևնոյն ազգին պատկանող, բայց տարբեր պետական կազմակերպութիւնների մէջ ապրող մարդկանց միջև: Եւ որչափ ուժեղ է ազգայնութեան կռիւը, այնչափ էլ մի ազգութիւն աւելի կարիք է զգում իր բաժան-բաժան մասերը սերտօրէն կապելու իրար հետ, համարելով այդ իբրև ամենալաւ միջոցը ազգային ուժերը զարգացնելու: Այսպէս ուրեմն արդիւնաբերութեան կապիտալիստական եղանակը ձգտում է տարբեր և սահմանակից պետու-

թիւնների մէջ ապրող միևնոյն ազգութեան բաժանւած մասերը միացնել, անջատ տէրրիտօրիաներից կազմել մի ընդհարձակ պետական մարմին, ուրիշ խօսքով՝ անջատել նրանց մինչև այժմ պատկանած պետական կազմերից:

Ազգային շարժումն էլ անհրաժեշտաբար ծագում է ժամանակակից տնտեսական զարգացումից. այդ շարժման առաջ պատնէշ կանգնեցնել անկարելի է, ինչպէս որ անկարելի է տնտեսական զարգացումը խափանել: Այն երկրներում, ուր ազգային ձգտումները կռիւ են մղում իրանց զոյութեան համար, այնտեղ էլ ամեն մի ժամանակակից կուսակցութիւն, զրանց բռնում նաև պրօլետարիատի ներկայացուցիչ սոցիալ դէմօկրատիան, անհրաժեշտաբար հաշի պիտի առնի այս հանգամանքնա նպատտող պիտի հանդիսանայ նմանապէս ամեն մի ձեռքաման, որ ուզում է պետական կազմին դէմօկրատ կերպարանք տալ, որ նպատկազրում է առանձին-առանձին ազգերի պետական միացումը և անկախութիւնը: Հէնց այս մտքով էլ սոցիալ դէմօկրատիան պիտի լինի և՛ ազգային և՛ դէմօկրատիական:

Բայց ինչպէս որ սոցիալ դէմօկրատեան չէ կարող և իրաւունք էլ չունի դառնալու մի բուրժուական դէմօկրատիական կուսակցութիւն հէնց այդպէս էլ նա չէ կարող և իրաւունք չունի ազգայնական լինել այն մտքով. ինչպէս որ են իշխող դասակարգերը: Կուսակցութեան ազգային և դէմօկրատիական քաղաքականութիւնը համաձայն պիտի լինի պրօլետարական դասակարգային կուրի էութեան հետ և զրանով էլ նա պէտք է ստանայ իր առանձնայատուկ գրօշմը:

Ամենից առաջ սոցիալ դէմօկրատեան բնականաբար ընդդէմ պիտի լինի այն ունակցիօնէր նացիօնալիզմին, որի ներկայացուցիչներն հանդիսանում են տնտեսապէս յետամնաց դասակարգերը՝ ազնուականութիւնը, մանր բուրժուազիան և նրանց իդէօլօգները: Այդ մարդիկ ջանում են ազգային ձգտումները բացատրել ոչ թէ իբրև նոր, ժամանակակից յարաբերութիւններից և պայմաններից ծագած մի բան, այլ իբրև հին աւանդութիւնների ծնունդ, *) որոնց նրանք վերակենդանացնել են ցանկանում:

*) Այդ խնդրը սոցիալօգիայի մէջ վերին աստիճանի մի կասկածելի ու վիճելի հարց է: Ընդունելով միանգամայն, որ ազգութիւնը փոփոխութեան է ենթարկւում յարաձուռ տնտեսական պայմանների ազդեցութեան

Այդ ձգտումը կարող է փառաւոր անցեալ ունեցող մի ազգի մէջ երբեմն գրաւել նաև այնպիսի իդէօլօգներ, որոնք ուրիշ հարցերում ամենևին բէակցիօնէր չեն:

Այսպէս օրինակ՝ գերմանական լիբերալները սիրում էին գերմանական միութիւնը երևակայել իբրև վերակենդանացում միջնադարեան գերմանական կայսրութեան: Չեխերը, նրանց նոյն իսկ էապէս դէմօկրատ ներկայացուցիչները, շատ կը ցանկանային Բօհեմական թագաւորների պետութիւնը վերականգնել: Լեհերի մէջ դեռ այսօր էլ կենդանի է հին լեհաստանը վերականգնելու ցնորքը: Ի՞նչ են մտածում այդ մասին հայերը ես չը գիտեմ, սակայն ենթադրում եմ, նրանք էլ այդ ձևով են մտածում: Սակայն պէտք է յիշատակել, որ այդ հին պետութիւնները ազգային պետութիւններ չէին՝ այդ բառի ժամանակակիչ մտքով, որովհետև արդիւնաբերութեան կապիտալիստական եղանակից առաջ պետութեան հիմքերը բոլորովին տարբեր էին. նրանք ամենևին ազգային չէին: Գերման ազգի հոռմէական պետութիւնը, ուր իշխում էին Հօհէնշտաուֆիները, տարածւում էր Դանէմարքից մինչև Սիկիլիա Պրագայում նըստող Պրժէ միսլօվիչները իրանց ամբարձը գօրութեան շրջանում տիրում էին Սիլեզիայից սկսած մինչև աղբիատիական ծովը, ուրեմն՝ համարեա ամբողջ այսօրեան Աւստրիան, մէջը չը հաշւած Վենգրեան և Գալիցեան: Լեհական եագելլօնների պետութիւնը տարածւում էր Պօզնանից մինչև Կիև և Նօվգօ-

տակ. ընդունելով, Կաուցկու ասածի համաձայն, որ այդ գաղափարի զարգացման ներկայ Փաղիսը ոչ այլ ինչ է, եթէ ոչ արդիւնք ներկայում գոյութիւն ունեցող տնտեսական խոշոր ֆակտօրների և դասակարգերի յարաբերութիւնների, մենք չենք կարող չընդունել նաև այն ակներև ճշմարտութիւնը, որ ազգութեան գաղափարը երեկ չէ ծնել, ոչ էլ կապիտալիզմի երևալու օրից (XVI դարից). նա եղել է առաջ էլ—հին Յունաստանում, Հռօմում, Աքէմէնեան Պարսկաստանում, Տիգրան մեծի Հայաստանում: Ճըմարիտ է, ազգութեան գաղափարն այն ժամանակ տարբեր է եղել այժման ազգութեան գաղափարից, բայց չէ՞ որ ազգութեան գաղափարն էլ ինչպէս ամեն մի գաղափար ու երևոյթ բնութեան մէջ՝ աստիճանաբար է ենթարկւում համեմատած իւր զարգացման նախընթաց և յետնորդ ֆազիսների հետ: Ազգութեան գաղափարի ներկայ ձևը, ճշմարիտ է, երեկ չը կար, բայց նա ձևափոխել, զարգացել է երեկայ գաղափարի մի քիչ տարբեր ֆազիսից: Ուրանալ ազգութեան գաղափարի էւօլիցիան, կը նշանակէ չընդունել այդ գաղափարի վերաբերմամբ մեծ ուսուցչի—Մարքսի դիալէքտիկան միայն մի հարցում—ազգութեան գաղափարի աստիճանական զարգացման խնդրում:

րօղ և իր մէջ պարունակում էր ոչ միայն Գերմաններ, այլ և լիտուսացիներ, ռուսներ ու կօզակներ: Ճիշտ այդպէս էլ Տիգրան Մեծի հայկական պետութիւնը պարունակում էր բազմազան և բազմաթիւ արեւելեան ազգութիւններ:

Փոռաւոր անցեալը վերակենդանացնել՝ կը նշանակէ մուսուլմաններին էլէքորականութիւնով կենդանութիւն տալ: Սակայն այդ մասին երազելն անգամ ֆլասակար է, որովհետեւ այդ դէպքում աչքաթող են արւում իրականութեան պայմանները և առաջ են մղում յետագէմ ձգտումները:

Սակայն սոցիալ դեմօկրատեան չէ կարող առանց այլեւայլութեան յարել բուրժուական կուսակցութիւնների ժամանակակից ձգտման՝ կազմելու իսկական ազգային պետութիւն:

Եթէ սոցիալ դէմօկրատեան մի կողմից արդարացի պիտի համարէ և հաշի առնէ անգամ ամեն մի ձգտում ազգային անկախութեան ստեղծելու,—միւս կողմից նա չէ կարող նեցուկ դառնալ այդ ձգտման բոլոր եղանակներին ու ձևերին, իսկ այդ ձևերն էլ կարող են շատ զանազանակերպ լինել:

Այսպէս օրինակ ռուսական սահմանագաւառներում ապրող զանազան ազգութիւններ՝ Ֆիններ, Լիտվանացիներ, Լեհեր, ռուսիներ, Կովկասեան զանազան ժողովրդներ,—այդ բոլորը բուն ձգտում ունեն ստեղծելու իրանց համար անկախութիւն նրանք ձգտում են կտրել ամեն մի պետական յարաբերութիւն ռուսական կայսրութեան հետ, ջանում են անջատել Ռուսաստանից և ձեռք բերել պետական կատարեալ անկախութիւն *):

Սակայն այդ այդպէս է միայն ինքնակալ Ռուսաստանի վերաբերմամբ: Եթէ նրա փոխարէն վազն ստեղծել դէմօկրատ

*) Հեղինակն այդ հարցում լաւ չէ ըմբռնել հայերի բացառիկ վիճակը, որովհետեւ ծանօթ չէ հայ ազգի մօտաւոր և նոյն իսկ հեռավոր անցեալի նրա ներկայ պայմաններին հետ: Այդ բոլոր երազները կարող են գոյութիւն ունենալ Ֆինլանդացու, լատիշի, լեհացու, գլխում. նրանք կարող են նոյն իսկ ճշմարտաման երեւալ վրացու վերաբերմամբ, բայց հայի համար այդ չէ կարելի նոյն իսկ հաւանական համարել. սէպարատիզմը, նրա մասին նոյն իսկ երազելը կորստարեք է հայի համար: Նա չունի ոչ մի տեղ մի խոշոր, միապաղպղ և միաձուլ մասսա, քիչ ու շատ գուտ, սեփական տէրքիտօրեա: Թէ հայկական բարձրամակարդում և թէ Կովկասում նա չափազանց արդէն համաշխարհային է, այսինքն՝ չափազանց արդէն ցրել եկել տարածել, խառնել է շրջապատ ազգերի հետ, որպէս զի երազել կա-

տիական Ռուսաստան: Այն ժամանակ ազգերի ազատագրական ձգտումներն էլ կը սահմանափակւեն նրանով, որ ազգերը կը մնան ռուսական պետութեան դաշնակցութեան մէջ, սակայն կը կերպարանափոխուի պետութեան կազմը, կը տան նրան դաշնակցական պետութեան բնաւորութիւնը՝ իբրև «Ռուսաստանի միացեալ նահանգներ»:

Այդ կարող էր շահաւէտ լինել նոյն իսկ առանձին-առանձին ազգութիւնների համար: Անգլիական կօլօնեաները Անգլիայի հետ կապողն այն իրողութիւնն է, որ նրանց անկախութիւնը անհամեմատ աւելի ապահով է զօրեղ մայր երկրի հետ կապ պահպանելով, քան անջատելով նրան: Ինչ՞ մնալ զանազան մեծ պետութիւնների առջև մենակ կանգնած:

Այդպիսի նկատումով կարող կը լինէր Ռուսաստանի սահմաններում ապրող ամենազօրեղ և զգայուն ազգութիւնն իսկ նպատակայարմար համարել ռուսական պետութեան կազմի մէջ մնալ: Հէնց լեհերի—նոյնը և հայերի—վերաբերմամբ ազգային հարցը չէ կայանում սոսկ նրանում, որ ցարի պետութիւնից ազատեն. այլ նաև ազգութեան՝ բաժան-բաժան մասերը մի ընդհանուր պետական կազմի մէջ մտնելին: Իրականութեան մէջ ինչ կերպարանք էլ սասնալու լինի այդ ձգտումը՝ յամենայն դէպս լեհերը, նաև հայերը աւելի շուտ կը հասնեն իրանց նպատակին, եթէ նրանց նեցուկ լինի մի զօրեղ Ռուսաստան, քան եթէ այդ պետութիւնը նրանց դէմ կանգնած լինի:

Թէ արդեօք լեհերի և Ռուսաստանի ուրիշ ծայրագաւառ-

րողանայ սեփական պետութիւն կազմել: Նրա համար մնում է միայն մի ելք, մի ճանապարհ—վերանորոգած դէմօկրատիական և ազատ Ռուսաստան, իսկ հայը այդ ազատ և հզօր պետութեան մի մասը մի ապակենտրօնացած գաւառը, տեղական լայն ինքնավարութիւնով և օրէնսդրական իրաւունքով:

Անխիղճ Սուվօրինը, վելիչկօն ներկայ բերօկրատեան միայն վերագրում են հային Մեծն Հայաստանը վերստեղծելու յիմարական ցնորքը. հայի ուղածն է Եւրօպական ազատ քաղաքական կազմ և խաղաղ կուլտուրական զարգացում՝ ձեռք-ձեռքի տուած դրացի ու դաշնակից ազգերի հետ:

Սակայն Կաուցկին սխալ ենթադրութիւններ անելով հայերի ներկայի մասին, հիանալի սրամտութեամբ ըմբռնում է նրանց մօտաւոր ապագայի ձգտումը և հետեւալ տողերում տաղանդաւոր կերպով արտայայտում է նրան:

Խոժակ

ների ազգութիւնների ձգտումները նրանով կը վերջանան, որ այդ մանր ազգութիւնները կանջատեն պետութիւնից, թէ ընդհակառակը պետական կազմը ի վերջոյ ֆեդերատիւ կերպարանք կը ստանայ՝ դա կախած կը լինի այն հանգամանքից թէ ինչ կերպարանք կընդունէ յեղափոխութիւնը Ռուսիայի ներքին նահանգներում, վերև ես յիշատակեցի Անգլիայի և իր գաղութների մէջ եղած բարեկամական յարաբերութիւնը: Այդ յարաբերութիւնը անհնարին բանը կը լինէր մի բիւրօկրատիական և կենտրոնացման բէթիմին հետևող պետութեան մէջ: Նա հնարաւոր է միմիայն մի դեմօկրատիական պետութեան մէջ: Որչափ աւելի մեծ մասնակցութիւն ունենայ պրօլետարիատը ռուսական յեղափոխութեան մէջ, որչափ յեղափոխութիւնը ոչ սոսկ լիբերալ, այլ իսկապէս դեմօկրատիական լինի, այնչափ էլ ծայրագաւառների ժողովրդները աւելի մեծ սիրով կը կամենան պետութեան հետ կապած մնալ, այնչափ էլ նրանք կը գերադասեն ազատ դաշնակցութիւնը այդ պետութեան հետ, քան կռիւը նրա դէմ: Իսկ ընդհակառակը, որքան քիչ յաջողութիւն ունենայ ներկայ բէթիմը ներքին Ռուսաստանում բարեփոխութիւններ մտցնելու, այնքան աւելի մեծ հաւանականութիւն կայ, որ յեղափոխութիւնը ծայրագաւառներում սեպարատիստ բնաւորութիւն կընդունէ:

Որքան աւելի դեմօկրատ կազմ ստանայ Ռուսաստանը, այնքան աւել քիչ շահ ունի արևմտեան Եւրօպայի դեմօկրատեան, որ լեհական յեղափոխութեան հետևանք լինի լեհաստանի անջատումը ռուսական պետութիւնից: Լեհաստանի անջատումը անհրաժեշտ էր համարւում այն ժամանակ, երբ դեռ ցնորք էր մնում ազատ Ռուսաստանի դադափարը: Այն ժամանակ էլ հնարաւոր էր ազատ Լեհաստան, իբրև անկախ և Ռուսաստանից անջատւած պետութիւն: Այդ դէպքում նոյն իսկ անհրաժեշտ էր ազատ լեհաստանի գոյութիւնը, որպէս զի նա կարող լինէր ռուսական ինքնակալութեան զօրութիւնը փոքր ինչ սահմանափակել, արևմտեան Եւրօպան պաշտպանել նրա յարձակումներից, անհնար դարձնել սրբազան դաշնագրութեան կրկնումը:

Նոյնը վերաբերում է և Կովկասին: Արևմտեան Եւրօպայի դեմօկրատիայի աչքում Կովկասի բաժանումը Ռուսաստանից, նաև թիւրքեսայի անձեռնմխելիութիւնը համարւում էր մինչև

70-ական թուականները իբրև զօրեղ միջոց ցարիզմը թուլացնելու և այդպիսով էլ դեմօկրատիայի գործը զօրեղացնելու համար:

Ռուսական յեղափոխութեան շնորհիւ այս բոլոր նկատումները կը վերացեն, հենց որ արսօլիտիզմի փոխարէն իշխանութիւնը դեմօկրատիայի ձեռքը յանձնի: Այսուհետև ոչ թէ սահմանների վրայ, այլ պետութեան ներսում կը մղւի դեմօկրատիայի համար ամենակարևոր և վճռական պայքարը: Ո՛չ միայն Ռուսաստանի բոլոր ազգութիւնների սոցիալ-դեմօկրատիայի, այլ նաև ամբողջ Եւրօպայի, նոյն իսկ ամբողջ աշխարհի սոցեալ-դեմօկրատիայի շահը պահանջում է, որ յեղափոխութիւնը բուն Ռուսաստանում որչափ կարելի է զօրեղ լինի և որչափ կարելի է դեմօկրատ բնաւորութիւն ունենայ այդ յեղափոխութեան հետևանքը: Այդ իսկ պատճառով Ռուսաստանի բոլոր պրօլետարական կուսակցութիւնները, ինչ ազգութեան էլ նրանք պատկանելիս լինեն, կարևոր վարկեանում պարտաւոր են մի կողմը թողնել այն ամենը, ինչ կարող է թուլացնել բուն Ռուսաստանի յեղափոխութիւնը և, ընդհակառակը, ամեն ինչ անել, որ կարող է զօրեղացնել այդ նոյն յեղափոխութիւնը: Նրանք լաւ պիտի գիտակցեն, որ ներքին Ռուսաստանում պէտք է որոշւի նրանց բոլորի վիճակը: Պէտք չէ որ նրանք առաջ մղեն սեպարատիստ միտումներ և պահանջներ, նրանք պէտք է սերտ յարաբերութեան մէջ մնան բուն Ռուսաստանի սոցեալ-դեմօկրատիայի հետ և թե ու թիկունք հանդիսանան նրան: Ոչ պակաս եռանդով էլ պիտի նրանք գործեն իրանց սեփական ազգութեան մէջ. բայց այստեղ էլ նրանք պիտի պաշտպանեն ընդհանուր պրօլետարական պահանջները, պաշտպանեն նաև մասնակի ազգային պահանջները: Բուն Ռուսաստանում կատարելիք վերջնական որոշումից կախած կը լինի և այն, թէ նրանց ազգային պահանջները ինչ վերջնական կերպարանք կընդունեն:

II

Ինչ էլ որ լինի ապագայում ռուսական ծայրագաւառներում պետական-օրինական վերջնական դրութիւնը, այնուամենայնիւ լուծւած կը լինի Ռուսաստանի ազգային հարցերի մի-

այն մի մասը, և այդպիսով ազգային հարցերն ասպարէզից բու-
լորովին չեն վերանայ: Վերջնենք իբր օրինակ կովկասը:

Մի անկախ պետութիւն կը լինի նա արդեօք, թէ «Ռուս-
աստանի Միացեալ Նահանգների» մի մասը—այդ միևնոյն է—
հայ ազգի դրութիւնը դրանով դեռ չէ որոշուած: Թէ Ռուսաս-
տանում, թէ Բալկանեան թերակղզում, փոքր Ասիայում և Աւ-
ստրալոյում կան խոշոր շրջաններ, որոնք չեն պատկանում բա-
ցառապէս մի ազգի, այլ զանազան ազգեր բնակւած են նրան-
ցում խոտը, դրանց բնակավայրերն իրարից բաժանելու, առան-
ձին երկիրներ կազմելու ոչ մի հնար չը կայ: Դրանից առաջա-
նում են ազգային խնդիրներ, որոնք արեւմտեան Եւրօպացիներ-
ի համար միանգամայն անհասկանալի են և որոնց լուծել
արեւմտեան-Եւրօպական միջոցներով-անկարելի է: Այդ հարցերը
շատ լաւ յայտնի են Աւստրալացիներին. այնտեղ Աւստրալոյում
բաւական ժամանակ է արդէն մարդիկ սրամիտ ու խելացի մի-
ջոցներ են առաջարկում նահանգներն ու շրջանները դարձնել
ինքնավար՝ թէ տէրրիտօրեալ (երկրային) տեսակէտից, թէ նը-
րանց մէջ բնակող խառն ազգութիւնների տեսակէտից: *) Աւ-
ստրալական սոցիալ-դէմօրաաեան արդէն գործնականապէս իրա-
գործել է այդ երկու տեսակի ինքնավարութիւնները կուսակ-
ցական կազմակերպութեան մէջ: Սակայն չը նայելով որ Աւս-
տրեան աստիկ տանջուած է իր մէջ եղած ազգային վէճերից,
բուրժուական կուսակցութիւնները մինչև օրս յամառաբար դի-
մադրում էին ազգային ինքնավարութեան գաղափարին: Այդ
հարցում մի անգամ էլ պարզ երևում է այն ճշմարտութիւնը,
որ հասարակական որևէ հարց լուծելիս ամենամեծ դժուարու-
թիւնը կայանում է դասակարգային ոյժերի ու հաշիւների յա-
բարբրութեան մէջ. գործնական խորհուրդներ ու միջոցներ հնա-

*) Մի երկիր կարող է ապակենտրօնացնել իր կառավարութիւնը
երկու ձևով. 1) տեղական ինքնավարութիւն տալ գաւառներին, նահանգ-
ներին կամ շրջաններին, առանց ուշք դարձնելու նրանց վրայ բնակող
ժողովրդների կամ ազգերի ներքին կազմին: Ինքնավարութեան այդ ձևը
կոչւում է տէրրիտօրեալ կամ երկրային. 2) կարելի է ինքնավարութիւն
տալ նաև պետութեան կամ նահանգի մէջ եղած ազգերին առանձին-առան-
ձին: Դա էլ կոչւում է ազգային ինքնավարութիւն: Կարող է ստեղծւել նաև
ազգային ինքնավարութեան երրորդ ձև և ակէրիտօրեալ, և ազգային
միաժամանակ: Այդ դէպքում նահանգն ինքնավար է, իսկ միջի ժողովուրդ-
ներն ունենում են յատուկ ներքին ձիային կամ կուրիական կազմ:

Խաժախ

բնէն այնքան էլ դժուար չէ. ուր կայ ցանկութիւն, այստեղ ճա-
նապարհ և միջոց գտնելը հեշտ է: Եւ ընդհակառակը, երբ ցան-
կութիւն չը կայ որոշ նպատակի հասնելու, որքան էլ հնարած
ուղին լաւ լինի՝ գործին չի օգնի երբէք:

Տէրրիտօրեալ կամ երկրային ինքնավարութիւնը միտեղ
էլի, կամ համապատասխան է բուրժուական հասարակութեան
ոգուն, որովհետև այդ ճանապարհով ամեն մի ազգ բաժանում
է միւսից և հասնում առանձնացման, ինչպէս անհատներն են:
Ընդհակառակը, ազգերի խողաղ միակեցութիւնը, իրար խառն-
ւած վիճակով, առանց հնար ունինալու բաժանել իրա-
րից գործունէութեան շրջանները՝—այդ ձևին հակառակ է
բուրժուական հասարակութեան ոգին, որը հիմնւած է մրցման,
ժողովրդական զանազան խաւերի հակադրութեան վրայ: Ճշմա-
րիտ է՝ երբեմն-երբեմն մրցումը ծնեցնում է հակազդեցութիւն
բուրժուական հասարակութեան բոլոր դասակարգերը կրկին
ու կրկին ձգտում են ոչնչացնել մրցումը, որը որոշ պայման-
ներում ֆրասակար է նրանցից ամեն-մէկի համար, բայց ու-
նեւոր դասակարգերը նրա դէմ միայն մէկ միջոց ունեն—մեցա-
վանառութիւն կամ մեցաեցում, մի դասակարգի, մի տեղի կամ
ազգի արտօնաւորել, առաւելեալ վիճակ ստեղծել միւսների
հաշուով կամ ի ֆրաս միւսների: Միջնադարեան համբարու-
թիւնները, քաղաքային արտօնութիւնները, ներկայ պաշտպա-
նողական կամ ինամարկող մարքսերը և արտէլները և այլ բազ-
մաթիւ փորձերը ոչ այլ բնչ են, եթէ ոչ մենաշնորհի ու ար-
տօնութիւնների միջոցով մրցումը վերացնելու ջանքեր:

Բայց դա նշանակում է վերցնել մրցման ստեղծած հա-
կադրութիւնները և նրանց տեղը դնել աւելի սուր և աւելի
ծանր հակադրութիւններ:

Ունեւոր դասակարգերից բոլորովին տարբեր կերպով է
աշխատում բանւոր դասակարգը իր շարքերից ոչնչացնելու
մրցումը և նրա արտադրած ֆրասները, դրա համար մենաշնորհ
չէ առաջարկում նա այլ համեմատութիւն: Այդ ճանապարհով
նա իսկապէս ոչնչացրեց իր սեփնտկան շարքերից այն հակադ-
րութիւնները, որոնք բուրժուական հասարակութիւնը այնքան
աւելի պատառ-պատառ են անում, որքան աւելի նա ձգտում
է վերցնել մրցումը:

Ճշմարիտ է, պրօլետարիատի մէջ էլ ուսանք ջանքեր են անում հասնելու արտօնեալ, մենաշնորհեալ դրութեան:

Այնտեղ, ուր դեռ պրօլետարիատի շարքերում չը կայ իր սեփական դասակարգի գիտակցութիւնը, այլ դեռ ևս թագաւորում են բուրժուազիայից փոխ առնւած մտածողութեան ձեւերը, և ուր բացի դրանից, հատով պայմաններ, որոնք պրօլետարիատի առանձին խաւերի համար ստեղծում են բացառապէս ձեռնտու վիճակ՝—այդտեղերում ձեռնտու վիճակում եղած աշխատաւորները ձգտում են այդ վիճակը դարձնել մենաշնորհ, փակել միւս պրօլետարների համար իրանց արհեստի մուտքը: Այդ ձգտումը խիստ տարածւած էր մի քանի արհեստներով զբաղւողների մէջ հաւքարութիւնների գոյութեան ժամանակ: Բայց այդպիսի ձգտումները կապիտալիստական արդիւնագործութեան ժամանակ մնում են ապարդիւն. որովհետեւ պրօլետարական արտօնեալ շերտերը քանի գնում աւելի են վտանգի ենթարկւում երկու կողմից. նրանց թիկնակերդում աղմկում, յուզւում է աշխատանք անորոշ պրօլետարների մի ամբողջ բանակ, իսկ առջևից նրա վրայ է գալիս խոշոր կապիտալը, որ քանի գնում աւելի անողոք է դառնում, ներկայ տեսնիկայի բոլոր հզօր միջոցներով զինւած:

Պրօլետարական այդ արտօնաւորեալ շերտերը, մենակ և առանձնացած, անկարող են հանդիսանում պահպանել իրանց դիրքերը, նրանք ստիպւած են լինում իրանց կուէ՛ ժամանակ աւելի և աւելի յաճախ օգնութեան կոչել բանւորական ամբողջ դասակարգը և վերջ ի վերջոյ ստիպւած են լինում հրաժարւել իրանց բացառիկ վիճակից և յենւել դասակարգային համեմատութեան վրայ:

Ունեւոր դասակարգերն ամենից առաջ հանդիսանում են արտօնեալ դասակարգեր. նրանց սօցիալական դիրքը հիմնւած է այն բանի վրայ, որ արդիւնագործութեան միջոցները բացառապէս նրանց ձեռքումն են:

Իսկ պրօլետարիատը, իբր բոլոր դասակարգերից ամենաստորինը, ամբողջ դասակարգով երբէք չէ կարող լինել արտօնեալ և չէ կարող կեղեքել միւս դասակարգերին: Նա չէ կարող նոյնպէս խլել պետական իշխանութիւնը այն նպատակով որ հին արտօնութիւնների և մենաշնորհների տեղը դնէ նորերը:

Ընդհակառակը, նա կարող է խլել պետական իշխանութիւնը միայն նրա համար, որ վերջ դնէ բոլոր արտօնութիւններին, բոլոր մենաշնորհներին, սրոց թոււմ և առանձին ազգերի մենաշնորհներին: Այդ պատճառով եթէ որ ունեւոր դասակարգերն ազգերի մրցման փոխարէն անհրաժէշտաբար ուզում են դնել իրանց ազգի մենաշնորհն ու արտօնութիւնը, պրօլետարիատ դասակարգը նոյնպիսի անհրաժէշտութիւնով ուշ կամ շուտ դնում է. ազգային մրցման ու ազգային թշնամանքի փոխարէն, միջազգային համերաշխութիւնը:

Սկզբներում, իհարկէ, պրօլետարների մէջ ամեն տեղ գոյութիւն է ունենում ազգային թշնամութիւնը, որ հետեանք է նրանց ազգային մրցման: Ուր որ բարեհաջող հանգամանքները թոյլ են տալիս պրօլետարիատին ձեռք բերելու գոյութեան և աշխատանքի լաւագոյն պայմաններ, այնտեղ կապիտալիստների դասակարգը ձգտում է նորից զրկել նրանց այդ վիճակից: Այդ բանում ամենասիրելի միջոցներից մէկն այն է որ բուրժուազեան գործ է ածում յետամնաց բանւորական ուժ—կանանց և երեխաների, անվարժ և գիւղական բանւորների, և վերջապէս ուրիշ ազգութիւնների բանւորների ուժը, յատկապէս այն ազգութիւնների, որոնք դեռ նոր են ոտ դրել կապիտալիստական կեղեքման ուղին և որոնց բանւորները դեռ չեն պատվաստւած կուսելու այդ կեղեքման դէմ:

Բնական է, որ բարձր կանգնած բանւորները ջանք են գործ դնում պաշտպանելու իրանց լաւագոյն դիրքերը, և նրանք իրաւունք էլ ունեն այդ անելու: Բայց կարճատեսութիւն կը լինէր և վատ հետեանքներ կունենար, եթե այդ բանում բանւորներն օրինակ երցնէին բուրժուական ուսիկանական պետութեան մէթօդներից և պահանջէին դուրս նետել բոլոր նոր բանւորական ուժերը, ոչ մի նոր ուժ չընդունել:

Միայն մի մէթօդ իրական է և արդիւնաւոր. դա նա է, որ նոր մրցակիցներին ձգում է համերաշխութեան շրջանի մէջ, կազմակերպում է նրանց, գործադուլի ու վարձագին ցածրացնողից դարձնում է նրանց ընկեր ու գործակից: Այդպէս պէտք է վարւել և կանանց, և անվարժ բանւորների, և, մանաւանդ այժմ, ուրիշ ազգութիւնների բանւորների հետ, որոնց մրցումն աճում է օր օրի վրայ, միջազգային յարաբերութիւնների զարգացման հետ միասին: Դրամատիքական ինդուստրեան չէ կա-

րող լայնացնել իր արդիւնքների արտահանութիւնը, եթէ որ
այդ լայնացման հետ միասին և իբր հետեանք գրա, անհրա-
ժեշտօրէն չէ աճում և հում նիւթերի, կենսական մթերքների
և բանւորական ուժերի ներուժութիւնը:

Բայց որքան էլ որ թշնամաբար նայեն տեղացի բանւոր-
ները եկուր բանւորների վրայ այնուամենայնիւ վերջ ի վերջոյ
ամեն կողմից երևան է գալիս նրանց համերաշխութեան ան-
հրաժեշտութիւնը: Որ մի տեղ էական օգուտ չէ տալիս քննա-
դատութեան չէ զիմանում նրանց հեռացնելու միջոցով քրջա-
կիչներից իրանց ազատելու գաղափարը:

Դրանից ըստ երևոյթին բացատրութիւն է կազմում այժմ
«դեղին վտանգը» — չինացիների և եսպոնացիների մրցումը:
Աւստրիական և ամերիկական արհեստակցական գաշնակցու-
թիւններից շատերի «սօցիալիզմը» կայանում է նրանում, որ
պահածօնում են իրանց վայրերում բանեցնել միայն տեղական
բանւորներ: Բայց այդ «բացասող քաղաքականութիւնն» էլ
ապարդիւն է այժմ. եսպոնական յաղթութիւններն սկսել են
քանդիլ այդ քաղաքականութեան հիմքը: Բացի դրանից՝ այդ
քաղաքականութիւնը նաև անմիտ է: Միթէ կարելի է եսպո-
նական և չինական ապրանքները հեռու պահել համաշխարային
շուկայից: Կը նշանակէ հարցը միայն նրանումն է, թէ ինչ ձև-
ով է մրցում էժան, «դեղին» աշխատանքը Եւրօպականի հետ—
ուղղակի, թէ անուղղակի: Բայց որքան աւելի «դեղին» աշխա-
տաւորը մտնում է անձնական բարեկամական յարաբերութեան
մէջ Եւրօպական բանւորի հետ, այնքան աւելի արագ բարե-
լաւվում են նրա համար գոյութեան պայմանները և դիմադրու-
թեան ուժը: Հայրենիք վերագառնալով, դեղին բանւորներն այդ
բաները տարածում են և իրանց երկրում: Եսպոնացիները արդէն
գոյութիւն ունի սօցիալիզմը, նա շուտով կառաջանայ և Չինա-
ստանում: «Դեղին վտանգի» գէմ ամենալաւ միջոցը ոչ թէ «դե-
ղինների» մեր երկիր գաշն արգելելն է, այլ նրանց սօցիալիզ-
մի գիրկն ընդունելը նրանց սօցիալիզմով օգնելը:

Եւրօպական բանւորների մէջ Ռուսաստանի բանորներն
առաջիններն են, որոնց համար այդ հարցը գործնական ձև է
ստանում: Միբիբական երկաթուղին արդէն Միբիբ է ներմու-
ծել խոշոր թւով չինացիներ: Ինչ էլ որ լինի Մանջուրիայի

վիճակը, պատերազմից յետոյ *) Ռուսաստանի առևտրական
յարաբերութիւնները Չինաստանի հետ կը զօրանան, իսկ գրա
հետ միասին կը սաստկանայ նաև չինական գուցէ և եսպոնա-
կան բանւորական ուժերի հոսանքը դէպի Ռուսաստան: Կազ-
մակերպել դրանց և միացնել մարտնչող պրօլետարական բա-
նակին-ահա մի պատասխանատու գործ ուս սոցիալ-դէմօկրա-
տիայի համար:

Մի ուրիշ, դրանից ոչ նուազ գժւարին շրջանում ուս
սոցիալ-դէմօկրատիան արդէն այժմ հասկացել և իր միջադա-
ջին պարտքը կատարել է:

Կովկասեան ազգերի բազմատեսակ խառնուրդում, դեռ ևս
բոլորովին անկիրթ պրօլետարների մասսաներում, որոնք պատ-
կանում են բազմատեսակ ու տարբեր ազգութիւնների և որոնք
վերջին տասնամեակում հաւաքում են հարաւային Կովկասի
ինդուստրիական կենդրոնները — յաջողեց ստեղծել միջազգա-
յին համերաշխութեան վրայ հիմնւած սօցիալ-դէմօկրատիական
մի կազմակերպութիւն և այդպիսով ստեղծեց մի նախապա-
կե Կովկասեան երկրի կառավարութեան, որը պե՛տ է յենւած ի-
նի ոչ միայն երկրի ինքնավարութեան վրայ: Բացի դրանից նա
պէտք է հիմնւի նաև այն նոյն ազգերի միացեման, նրանց հա-
ւեռաբարեկամ վրայ՝ միասին գործելու համար:

Ես, իբրև օտար երկրացի, չեմ կարող որոշել, թէ կով-
կասի պրօլետարիատի վրայ ինչ քաղաքական ազդեցութիւն
ունի սոցիալ-դէմօկրատիական այդ կազմակերպութիւնը և թէ
ինչ քաղաքական ուժ ունի այդ պրօլետարիատը: Բայց Կով-
կասի պայմաններին հիմնականապէս ստեղծել մարդն անգամ
չէ կարող ասել, թէ ոչ ոք կազմակերպութիւնը և այդ պրօլե-
տարիատն ինչ ազդեցութիւն ձևուք կը բերեն յեղափոխական
շրջանում, որովհետև յեղափոխութիւններն ամենքի համար ա-
մենամեծ անապասելի երևոյթներ են արտադրում, և յեղափո-
խութեան ժամանակ պրօլետարիատը զարգանում է ուղղակի
թռիչքներով:

Այդ պատճառով անկարելի է նախատեսել, թէ ինչ ձև
կընդունեն ազգային հակադրութիւնները և կոխը ուսական

*) Յօդւածը գրւած է ուս եսպոնական տնակեր պատերազմը դեռ
չը վերջացած:

պետութեան մէջ ընդհանրապէս և կողկասում յատկապէս: Բայց մի բան կարելի է դրականապէս ասել. քանի դեռ միատեղ կուի և մղում հին բէթիմի դէմ, այդ ժամանակամիջոցում ոչ միայն յեղափոխական շերտերի ընդհանուր շահն է որ ազգային հակադրութիւնները և խնդիրները հնար եղածին չափ յետ մղեն, բայց մարտնչող պրօլետարիատի շահն է, որ իր շարքերում թագաւորէ միջազգային լիակատար համերաշխութիւն: Պրօլետարիատի համար այդ համերաշխութիւնը պայմանաւորում է ոչ միայն ըուզէի դրութիւնից, բայց դա նրա համար կենսական անհրաժեշտութիւն է, ամենօրեայ կուրկարիք: Ռուսաստանի պրօլետարիատի համար էլ հարցը միևնոյն է: Նա պէտք է հետևի իր խելացի կերպով հասկացած շահերին և ամբողջ կուլտուրական աշխարհի սերունդներով մարտնչող պրօլետարիատի մեծ օրինակին, որպէսզի կատարէ այն, ինչ որ այսօր նրանից ամենից աւելի պահանջում է ուսաստանի ազատութիւնը—միացնել նրա մէջ ապրող բոլոր ժողովրդին ընդհանուր կուրի հին բէթիմի դէմ:

ԿԱՐԼ ԿԱՌԻՅԿԻ



Թ Ի Ֆ Լ Ի Ձ

Էլէքտրագրւած սպարան «ԷՆԻՄԷՍ» Ընկ. Մաղաքեան փող. № 5:

1906

(193).

107

150
101

1. Բախ.—Հարուստներ և աղքատներ (սպառ.) 20 կող.
2. Պեշէխօնով.—Հաց, լոյս և ազատութիւն . 12 »
3. Փէղօրօվիչ.—Ինչպէս են ժողովուրդ և ծախս-
ոււմ ժողովրդական փողերը 5 »
4. Կարմելիւն.—Նոր լիրան քարոզը 2 »
5. Չերնօվ.—Քիւղացին և բանուրը 15 »
6. Պերներատօրֆեր.—Ազգային հարցը և սոցիալ-
գիմօկրատիան 5 »
7. Պրամօլլինի.—Քիւղացիներին 5 »
8. Ե. Թուֆեան.—Արհեստակց. միութիւններ 15 »
9. Նովօտօրժսկի.—Ի՞նչ է իրական պետութ. 15 »
10. Ս. Կարանով.—Հոգային հարցը նոր Զե-
լանդիայում 2 »
11. Փան փօրէս.—Բուրժուական սեփականութիւն
և նրա ապագայ գրաւումը 5 »
12. Կարլ Կատտսկի.— Ազգութիւնների հարցը
Ռուսաստանում: , 3 »

Տպագրուում են եւ շուտով լոյս կհետնեն

1. Ա. Անարոնիան (Ղարիբ).—Ազատութեան ճա-
նապարհին:
2. Ա. Արեղեան.—Գիմօկրատ. ընտրութիւններ:
3. Բախ.—Հարուստներ և Աղքատներ II սպազ.:
4. Ալֆոնս Գիլման.—Ժողովրդական օրէնսդրու-
թիւնը Զւիցերիայում:
- Փ. Լատսալ.—Սահմանադրութեան էութեան մասին

Պատրաստուում են տպագրութեան համար մի շարք սուրիչ
գրքեր:

Ցանկացողները գիմեն «Յառաջ»-ի խմբագրատուն
Փրէլլինսկայա № 6.



